

ingens multitudo arctis locis <sup>a</sup> prælongas hastas non protenderet, non colligeret, neque ad saltibus & velocitate corporū vteretur, coacta stabile ad prælium: contra miles, cui scutum pectori ad pressum, & insidēs capulo manus, latos barbarorum artus, nuda ora foderet, viamque strage hostium aperiret, <sup>b</sup> imprompto iam Arminio ob continua pericula, siue illum recens acceptum vulnus tardauerat. Quin & Inguiomerum tota volitatem acie, <sup>c</sup> fortuna magis quam virtus deserebat. Et Germanicus quod magis agnosceretur, <sup>d</sup> detraxerat tegimen capiti, orabatque insisterent cædibus, nil opus captiui, solam <sup>e</sup> internacionem gentis finem bello fore. Iamque sero diei subducit ex acie legionem <sup>f</sup> faciendis castris: cetera ad nocte crux hostium satiatæ sunt. Equites ambiguè certauere. <sup>g</sup> Laudatis pro concione victoribus Cæsar congeriem armorum struxit, <sup>h</sup> superbo cum titulo, <sup>i</sup> DE BELLATIS INTER RHENVM, ALBIM QVE NATIONIBVS, EXERCITVM TYBERII CAESARIS EA MVNIMENTA MARTI ET IOVI ET AVGUSTO SACRAVISSE. De <sup>j</sup> se nihil addidit, metu inuidiæ, an ratus <sup>k</sup> conscientiam facti satis esse. Mox bellum in Angriuarios Stertinio mādat, ni deditiōne properauissent. atque illi supplices nihil abnuendo, <sup>l</sup> veniam omnium accepere. Sed æstate iā adulta, legionum alię itinere terrestri in hybernacula remissæ: plures Cæsar classi impositas per flumen Amisiam Oceano inuexit. Ac primò placidum æquor mille nauiu remis strepere, aut velis impelli: mox atro nubium globo effusa grando: simul variis vndique procellis, incerti fluctus prospectum adimere, regimen impedire: milesque pauidus, & casuum maris ignarus, dum turbat nautas, vel <sup>m</sup> intempestiuē iuuat, offi-

## O B S E R V A T I O N E S.

<sup>a</sup> Cui militi est prælonga hasta, is neque ad saltibus, neque velocitate corporis uti potest. sed est bonus ad stabile prælium; cuiusmodi hodierno die videtur esse hasta acies Helvetiorum.

<sup>b</sup> Non est nouum, promptissimum quemque ob continua pericula, impromptum reddi.

<sup>c</sup> Sua laude is nequaquam fraudari debet, quem fortuna magis, quam virtus deservit.

<sup>d</sup> Interdum res postulat, ut se imperator de facie militibus cognoscendum præbeat, ut iū alacrius, quippe sub ipsis ducis oculis imperata faciant.

<sup>e</sup> Qui bellum gerit cum hoste barbaro, infensusimo, & cum quo nulla pax firmari potest, non tam captiui, quam cedibus insistere debet; quando, scilicet, sola internacio gentis finem bello est allatura.

<sup>f</sup> Legiones ipsam sibi castra faciebant.

<sup>g</sup> Post insignem victoriā, vīctor exercitus pro concione ab imperatore laudari debet.

<sup>h</sup> Congeries armorum, ubi pars est insignia aliqua victoria strui debet; addendusque est titulus pro dignitate principis, & magnitudine victorie.

<sup>i</sup> Vir insignis, ac potissimum us, qui proximus principi destinatur, et si res maximas gerbit, tamen abstineat a magnifica prædicatione rerum ab se præclarar gestarum.

<sup>k</sup> Conscientia præclare factorum adeo illustre testimonium est, ut, qui ea sustentatur, externa facili negligat.

<sup>l</sup> Qui se nobis dedunt, ac supplices nihil abnuunt, venia digni sunt.

<sup>m</sup> Intempestue aliquem iuuare, est ei impedimento esse.